

Comision Nacional pa Salvaguardia nos Autonomia: NEO COLONIALISMO

ORANJESTAD(AAN). For di parlamentario di MEP, señor Rudy Croes, DIARIO a haya un comunicado cu ta papia pa su mes y cu ta mustra cu por fin yunan di tera a cuminsa lanta for di soño y cuminsa realiza cu den tempo di guerra, aunke cu Aruba no ta den guerra y ban spera cu esaki tampoco hamas lo tuma lugar, ta e pueblo so por salba e pueblo.

Den cada lucha mester tin hendenan cu curashi cu mester lanta ariba y mustra otro nan cu algo mester worde haci prome cu ta laat y esaki ta loke parlamentario Rudy Croes ta haciendo y dia pa dia e ta hayando mas apoyo di Arubianonan cu ta mira con nan pais ta bayendo atras den tempo colonial y si algo no

worde haci, pronto yunan di tera lo pertenece na e esclavonano moderno den neo colonialismo Hulandes.

E comunicado ta bisa lo siguiente: "Apesar cu nunca a stop di ta colonia di Hulanda, ta un autonomia camufla nos tabata tin, awor nos ta mira con Hulanda ta sigui practica Neo Colonialismo di optima forma y cu ayudo di e entreguistanan di gobierno Eman II (y futuro gobierno Eman III).

Despues cu Hulanda cu ayudo di gobierno Eman II den su totalidad: A kita Seguridad Nacional, A introduci Warda Costa (unda Aruba a bira sucursal di Curaçao y tambe a core cu tur Arubiano cu tabata den Warda

Costa), A impone extradicion a base di desigualdad pa cu nos Arubianonan, A cuminsa cu control riba nos casinonan, Free Zone, banconan, Departamento di Finanzas, Departamento di impuesto, AVV nan, A kita nos Procurador General, A nenga di renoba e periodo di Gobernador actual, A laga Aruba resorta bao di Ministerio di Asuntonan Interno di Hulanda (BiZa).

Awor pa colmo cu aprobacion di Ministro di Finanzas, señor Engelbrecht (AVP), Hulanda a presenta na Parlamento un concepto di "Rijkswet Administratieve Bijstand Douane" caminda ta bay centraliza tur informacion di persona di aduana Arubiano - Antiyano y Hulandes.

Tempo cu nos tabata den Antiyas Hulandes y tampoco tempo cu gobierno Oduber I y II, nunca Hulanda a practica Neo Colonialismo asina y unda berdaderamente Aruba tin un Status Aparte for di Antiyanan Hulandes, pero bao di gobierno Eman II Hulanda a

cuminsa mete directamente den nos autonomia, awe ta aduana, mayan lo ta Polis, KIA, Serlimar, Veterinaire Dienst, etc etc.

Y ta pesey MEP inmediatamente a pidi atrobe cu caracter di urgencia un reunion publico pa pone paro na e politica entreguista aki.

Pa e motibo aki MEP ta mira cu pre ocupacion serio, e continuidad di e gobierno Eman (AVP - OLA) unda nos no sa kico lo bay resta di nos autonomia logra na e Conferencia di Mesa Rondo na aña 1983.

Hulanda no ta respeta actualmente nos organo maximo esta nos Parlamento.

Parlamento a aproba mocionnan di entre otro: 1. Extradicion, pa elimina desigualdad entre e persona cu nacionalidad Hulandes na Aruba y esnan na Hulanda, 2. Aruba bao di BIZA, 3. Nomenclatura di Procurador General, 4. renombracion di Gobernador señor Olindo Koolman.

Hulanda no ta preocupa cu

e intencion di e mocionnan, ta dji desahaci di nan.

Considerando tur e hecho pre ocupante cu Hulanda ta sigui cu su politica di Neo Colonialismo cu ayudo di e entreguistanan di gobierno Eman II, MEP den representacion di henter pueblo di Aruba, mester bay re evalua su posicion enfrente e politica Neo colonialismo aki y mester sali na vanguardia atrobe di nos autonomia cu tanto e pueblo aki hunto cu MEP a lucha pe a base di sanger, sudor y lagrima.

Pesey mi ta propone pa urgentemente bin cu un "Comision di expertonan politico y no politico" cu ta bin cu recomendacionnan pa salvaguardia, vigila y preserva nos autonomia y tambe pa prepara opcionnan pa e futuro Status politico di Aruba pasobra e pueblo no a lucha fuerte asina y e pueblo no a vota den un referendum na 1977 pa nos bira un pais re coloniza; TA BASTA !!!!!

Firma pa Rudy Croes Parlamentario di MEP.

Lo tin un malcontento na Ambulans


ORANJESTAD (AAN): Durante weekend parece cu tabata tin dificultad cu asistencia pa haya ambulans di gobierno. Segun fuente cu lo tin cierto hefenan (aparentemente e director di salubridad) lo a bin un idea magico pa baha e forza di e personal di ambulans. Pa ki motibo no ta nan culpa.

Si ta asina cu esaki lo a trece problema cune pa cu e cantidad di asistencianan cu tabata tin. Mester a haci uso di cruz cora y tambe di bombero pa por a transporta esnan cu tabata tin mester a acudi pa Polis of Hospital. Mientras tanto e personal cu lo tabata tin na warda io ta ricibi e critica cual den e caso aki no ta nan culpa.

For di fuentenan yega, DIARIO por a comprende cu e falta no ta sinta cerca e personal. Cu e den e ultimo aña sa di cumpli e caminda tabata por apesar cu tabata tin un tempo problema cu e vehiculonan. Pero den e caso di sea tardanza di servicio parece ta sinta cerca superiornan cu lo a trece un cambio pa peor. Seguramente ministro Beke lo bay averigua kico lo ta e problematico cu lo a surgi, cu

e maneho di gerencia, segun informe lo ta brota un malcontento.

PA VENEZUELA ME VOY!!



Telefonnan di DIARIO

826747